

## 3 YOOHANE

### Yoohaneefa inaaqianna akara rumannimaqoo ufafa.

<sup>1</sup> Oo Kaiusafa anindiri Yisuna anoona ufa qimarianaki marunnaara qinee faiqí firaasa aniara qimuqusimarifaqa maa akarana ani amaqaídaqa.

<sup>2</sup> Qini qifaagasaa qiqoondi. Ani maraḡuna amiqiranaki doo maridanoo, ani afaaqa faqa aurirana dinee sia marianifeera aneenna aiqama ainaina faqa mina amana kai amiqiranaki marianifeera Anutunara innaaru qidaqa. <sup>3</sup> Oo Kaiusafa ani akaqaafasaa mai anireeqa aniara Yisuna anoona ufamau maḡee maḡee fimari-anaqa qimaqimiafaqa mina iriseeqa asasidaqa. Kuḡaa anoona maree mariannanara ani oosana koorooifaqa qinee qafeeqa. <sup>4</sup> Qini faiqi namukammafi mariasa kuḡaa anoona aatata fimarianara minara kai irisee firaasasirana qimidaqa. Sia moo ainaina mi asasirana amana kai maridanoo.

*Yoohaneefa Kaiusana oosanara amooqu ufafa.*

<sup>5</sup> Oo Kaiusafa qini qiqoondi, Yisuna ufa maḡusa maḡusa qimannimiḡanuusa ani maḡusai oonuraafana oosana oosana dadaaqirana amiqimasaida nimimariananoo. Anee sia moo maḡanna fee qimasee minnisaanafa mariananoo. <sup>6</sup> Anee dadaaqimarianausa misa ani aufakiana qimaqimiafaqa iridaqa. Misa aniara maasa

maaqqooqaraasa amaana maaqaki keeqee mari-asa nifusaa anee misara amuqusi mariannanara kooroo ida qiafaqa iridaqa. Anutufa afaarimarifa maridanoo anee faqa mina aanna reenana mi fasiqausa dadaaqinana anee Anutuna ainainira faiqi amana kai maria. <sup>7</sup> Yisuna ufa qimannimiqanuusa innee sia misa niqafuosa moo maqannaasa mariafanoo sia aamina maqanna maqusa maqusa fidaqa misa munnimmaina marasaida naqa fimariqau. Yisuna auqusaa mina ufa kai maree fimariqau, misa maasa Yisuna ufa irimariasa faiqara maaqaina kai maraseeqa Anutuna ainainirausaika mafiqa nidaqa misaikana maraidaqa. <sup>8</sup> Maasa Yisuna ufa irimarunauusa misa kadaapiriranara iriseeqa misa miqimasee anoona ufa saikimariasa moodaanaki dadaaqiqa maasa saika faqee qimasee maraaqeera ani qimamidaqa.

*Yoohaneefa Diootareefeesana mandoosanara qimaqoo ufafa.*

<sup>9-10</sup> Qinee qusa akara riqa inni miqooqaraasa amaana maqaki keeqee mariasa nimiaqeera. Ni-maqaunanoo Diootareefeesafa nari kai nariara uriqararausee qimarifa qini akarakinaa ufa sia irimarifa, kasooqaqee inniki qinee oonureeqa mina oosana inniki marina unna ufa mandufa maasara qimarina unnufa oosana oosana qimarina kooroo ianaura. Mifa sia minara kai idanoo Yisuna ufa qimannimiqanuusa miqoo oonuraafanoo sia misa dadaaqidanoo misa ititan-nimaqaidanoo. Miqooqaraasa amaana maqaki

keeqee mariasa quandaki misa dadaaqiraree qifafanoo misara faqa quqasee doo fuaqee qidanoo.

<sup>11</sup> Oo Kaiusa qini qifaaqasaa qiqoondi, anee manda ainaina qafamasee sia mina ammeemmeerria amiqira oosana qafamaseenana mina ammeemmeerina mina aanna rainanoo amana mariannoo. Andeeqara oosana maree mariasa misa Anutunaindi maridaqa. Mandainaina maree mariasa misa sia Anutunara irimariasa maridaqa.

<sup>12</sup> Inniki faiqí moo marifa mina auqu Deemee-tariusafa minara aiqamausa kuqaa andeeqara fasiqa fee qidaqa. Anoonu ufa faqa mi fasiqanara andeeqara fasiqa fee qidanoo. Maasa kuqaa anoonu ufa kai qimaruna innee irimariasa marifafanoo sia mi fasiqanara unna qidaqa. Maasa minara amiqira fasiqa fee qidaqa.

*Akara atinni mafi taikarufa.*

<sup>13</sup> Qinee moomoo ufa ani qimamiani qimaseeqa sia amana papiqasaa akara riqa.

<sup>14</sup> Kaqikaaqoo anee ianannai qinee firaree qidaqa. Oonureeqa amiqimmandee narí qimami narí qimami qianaauranoo.

<sup>15</sup> Yisuna asooarafa anifaqa mariani. Ani aqoondiüqa maaqoo qaraasa aiqamausa ani amandaidaqa. Maasa qiqoondiüqa miqoo mariasa nuqu ramasee qimannimia. Maasa misa nimandaidaqa.

**Fúka Moodaanaki Kira Ufa Afaqínaasa Ufa**  
**Portions of the Holy Bible in the Binumarien**  
**language of Papua New Guinea**  
**Buk Baibel long tokples Binumarien long Niugini**

copyright © 1983, 2001, 2017 Wycliffe Bible Translators, Inc.

Language: Binumarien

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-08-10

---

PDF generated using Haiola and XeLaTeX on 21 Feb 2024 from source files dated 31 Aug 2023

4a891130-f25d-5e30-a81c-882b2e037698